

tau taub tias kuj muaj ib co neeg mob uas txawm ua zaj twg los lawv yeej tsis teb tuaj txog ntawv GBAHC tsab ntauwv qhia kom tuaj thov nyiajtxiag pab. Yog muaj tej rooj zoo li no, ces GBAHC yuav siv lwm hom kev xyuas txog tej ntaubntawv los ntsuas xyuas saib tus neeg mob ntawd muaj kev txom nyem txog nyiajtxiag npaum cas. Yog tias ua zaj twg los tsis tau txais ntaubntawv dab tsi ncaj qha los ntawm tus neeg mob uas pheej tsis quav ntsej, ces GBAHC yuav muab tej ntaubntawv tau ntawm lwm qhov chaw coj los taug xyuas saib tus neeg mob no muaj kev txomnyem txog nyiajtxiag npaum cas. Kam yuav tshawb xyuas txog tias tus neeg mob puas muaj tej khoom nyiajtxiag ntawm ntiag tug, mas yuav tsis tshawb txog, yog tias tsevneeg khwv tau nyiaj ib xyoo twg tau txog li lossis tsawg tshaj 201% ntawd tus nqi nyiaj nyob rau FPG txoj cai rau cov kev kho mob uas koomtes nyob rau hauv National Health Service Corps Program (NHSC).

Tejzaum GBAHC kuj yuav siv lwm qhov chaw sab nrauv xuas tshuab kuaj ntsuas xyuas txog tus neeg mob tej ntaubntawv saib nws muaj kev txomnyem nyiajtxiag npaum cas. Kam ntsuas xyuas li hais no mas yuav siv tsev kho mob cov kab kev kuaj ntsuas uas siv tej ntaubntawv txog ntawd tus neeg lub keebkwm muaj nyob rau hauv tebchaws cov ntaubntawd ua cov coj los xyuas. Txoj kab kev ntsuas xyuas no yuav muab tus neeg tej ntaubntawv muaj nyob rau hauv tebchaws coj los taug xyuas saib tus neeg ntawd tej kev noj kev haus thiab nyiaj txiag poob siab li cas, xam tej nyiaj uas kaj tias khwv tau los, tej khoom nyiajtxiag, thiab tej khoom uas muaj peevxwm coj mus ntaus nqi pauv nyiaj. (Kam yuav tshawb xyuas txog tias tus neeg mob muaj tej khoom nyiajtxiag ntawm ntiag tug uas raug nqi ntau npaum cas ntawd, tej no yuav tsis muab los xyuas yog tias tsevneeg khwv tau nyiaj ib xyoo twg tau txog li lossis tsawg tshaj 201% ntawd tus nqi nyiaj nyob rau FPG txoj cai rau cov kev kho mob uas koomtes nyob rau hauv NHSC).

Kam siv tshuab taug xyuas, yog siv, mas yuav siv ua ntej yuav muab cov nqi coj mus cob rau qeb teebmeem tias yog cov nqi phem sau tsi tau, ua kawg kev lawm los tsis muaj chaw pab tsis muaj chaw them. Ua zaj nov mas yuav pab ua tau rau kom GBAHC muab cov neeg mob tag nrho coj los ntsuas xyuas ua ntej yuav siv tus txheejtxheem nruj los ua kev sau nyiaj. Cov ntaubntawv nrhiav tau ntawm lub tshuab los uas xyuas txog tia tus neeg puas tsim nyog yuav tau txais kev pab yuav muaj tej ntaubntawv qhia kom txaus kom pom tias tus neeg txomnyem nyiajtxiag li cas raws li txoj caij tswjfw m tau phua tseg.

TEJ KEV KHO MOB IM-MAWV-NTSEES-XIS

Raws lis tseemfwv txoj cai FEDERAL EMERGENCY MEDICAL TREATMENT AND LABOR ACT (EMTALA) hais, mas tsis pub muab tus neeg mob coj los kuaj xyuas ua ntej saib puas tsim nyog tau txais nyiajtxiag pab lossis them pua tau tu nqi ua ntej yuav kho qhov tus mob im-mawv-ntsees-xis. Tejzaum GBAHC kuj yuav hais kom tus neeg mob them qhov nqi ntawm ntiaj tug uas yuav tsum xub them (xws li, tus nqi kiag ntawm ntiag tug), yog tias qhov nqi them no yuav tsis laug qhov kev kuaj xyuas kev mob rau tus neeg mob lossis tsis laug kev kho uas yuav tsum ua rau tus neeg mob tam si (Xyuas Hauv Txoj Cai Tswjfw m GB-16007).

COV NQI XA MUS KOM THEM RAU COV NEEG MOB UAS TAU TXAIS NYIAJTXIAG KHO MOB PAB

Qhov nqi xa mus kom them no mas yog qhov nqi uas yuav tseev kom cov neeg mob lossis tus neeg mob tus neeg lav ris cov nqi uas tsim nyog tau txais nyiajtxiag pab yuav tsum them. Rau cov neeg mob uas tsis muaj ntaubntawv nyiajtxiag kho mob, mas tus nqi no yuav tsis siab tshaj tus nqi uas phua tseg nyob rau hauv phau ntawv Look Back Method.

Phau ntawv Look Back Method mas xyuas txog cov nqi uas kam tso cai raws li tau phua tseg nyob rau hauv Medicare Fee-For-Services nrog rau tej ees-xus-lees ntawm ntiag tug uas yuav tseg nyob rau sab nrauv uas them tuaj rau GBAHC. Cov nqi uas yuav muab coj los siv ua leb ntsuas xyuas nyob rau hauv AGB mas yog cov nqi uas pub muab nyob rau xyoo tas ua ntej ntawd. Cov nqi uas ees-xus-lees them ib qho, qhov them ntawm ntiag tug, tej nqi raug rho tawm nrog rau tej nqi tes ua haujlwm thiab tej nqi tshuav nyob rau lwm qhov chaw kho mob mas yuav muab tso rau ntawm tus leb feem nyob saum toj. Tus nqi rau tag nrho ntawm cov nqi kho mob uas qhia tias yuav tsum them mas yuav muab tso rau tus leb feem tus nyob hauv qab. Qhov AGB mas yuav niaj xyoo muab coj los ua leb ntsuas xyuas. Cov paws-xees yuav muab coj los siv tau rau hnuv uas pib txij hnuv 120th ua qab thaum lub xyoo ntawd ta, uas yog GBAHC yog qhov chaw ua lej phua txog cov paws-xees ntawm AGB.

UA NTAUBNTAWV THOV NYIAJ TXIAG PAB

Kam yuav taus txais nyiajtxiag kho mob pab mas nyob ntawm saib tus neeg mob muaj kev txomnyem nyiajtxiag npaum cas thaum ua tsab ntawv thov nyiaj tuaj. Raws li yeej ua los, yuav tsum muaj ntaubntawv tej ua povthawj txhawb nqa tsab ntawv thov nyiaj pab. Yog tsis muaj ntaubntawv povthawj txaus pab, mas tejzaum GBAHC yuav nrhiav taug xyuas lwm yam ntaubntawv pab. Cov ntaubntawv povthawj uas ntseeg tau tias yeej muaj tiag li hais mas yog ib co uas yuav tsum toobkam coj los txhawb nqa kev thov nyiaj.

Cov ntaubntawv qhia txog cov nyiajtxiag tau los hauv qab no mas cov neeg mob lossis tus neeg mob tus neeg lav ris cov nqi yuav tsum muab qhia tuaj es thiaj paub xyuas tias tus neeg mob puas tsim nyog yuav tau txais nyiajtxiag kho mob pab:

1. Tsab Qaum Ntawv Uas Niaj Xyoo Ua Them Se thiab tej ntaubntawv txuas nrog tsab ntawv them se, uas nyuam qhuav ua xa tag rau xyoo kawg los.
2. Ntaubntawv povthawj txog tej nyiaj khwv tau los tam sim no (daim tws tshev them rau nqi ua zog lossis lwm yam ntaubntawv povthawj)
3. Ntaubntawv povthawj txog tej nyiaj lwm yam uas khwv tau los, xam tej nyiaj poob haujlwm, nyiaj ua haujlwm raug mob es tau txais, nyiaj them yug tej menyuam, nyiaj them yug tus txijnkawm, nyiaj lwm tus tso tseg rau tus neeg mob, nyiaj los ntawm kam tau ua tub rog.
4. Daim Ntawv Tam Sim No Uas Qhia Txog Cov Nyiajtxiag Muaj Nyob Rau Hauv Txhab Nyiaj

Cov ntaubntawv qhia txog tej khoom nyiajtxiag uas muaj nqi mas cov neeg mob lossis tus lav ris cov nqi yuav tsum muab ua xa tuaj, es thiaj paub muab coj los ntsuas xyuas (tej no yuav tsis muab los xyuas yog tias tsevneeg khwv tau nyiaj ib xyoo twg tau txog li lossis tsawg tshaj 201% ntawd tus nqi nyiaj nyob rau FPG txoj cai rau cov kev kho mob uas koomtes nyob rau hauv NHSC):

1. Tshev-kees av-khauj
2. Xev-vees av-khauj
3. Nyiaj kev lagluam av-khauj
4. Daim ntawv povthawj tso nyiaj noj paj
5. Cov nyiaj niaj xyoo tau txais
6. Cov nyiaj hauv lub av-khauj uas tsis yog muab coj mus tso cia siv rau yav laus
7. Cov nyiaj hauv lub av-khauj uas muab coj mus tso cia siv nyob rau yav laus
8. Tej ntaubntawv txog av thiab vajtsev
9. Lwm yam khoom nyiajtxiag

Cov ntaubntawv ua thov nyiaj kho mob pab mas muaj cuab kav ua tau xa tuaj pib txij hnuv tawm hauv tsev kho mob mus txog ntua rau 240 hnuv ua qab ntawd. Yog tias tsab ntawv thov tseem tshuav tej yam dab tsi tsis tau sau rau, lossis tshuav tej yam ntaubntawv dab tsi yuav tsum xa tuaj ntxiv, ces tsab ntawv thov no yuav raug muab tso cheem tos li peb-caug (30) hnuv pib txij hnuv uas xa tsab ntawv tuaj ceebtoom tias toobkam ntaubntawv ntxiv. Yog tias thajtsam li peb-caug (30) hnuv, tsis hnov tus neeg ua ntaubntawv thov nyiaj teb lus tuaj, ces tsab ntawv thov nyiaj pab yuav raug muab lawb pov tseg.

Thaum lub sijhawm tau txais tej ntaubntawv tiav tag, es tabtom muab tsab ntawv thov Financial Assistance Application (FFA) coj los xyuas, mas tej nqi uas raug xa mus kom lawv tuaj caum sau ntawd yuav raug muab cheem tseg tos xyuas kom ua tej ntaubntawv tiav tag tso. FAA mam muab tej ntaubntawv no sau rau hauv tus neeg mob cov ntaub ntawv kho mob lossis luam qhia rau hauv, thiab mam sau ntawv qhia rau hauv tus neeg mob lub av-khauj. Tej nqi kho mob uas ib txwm xa tuaj kom them ntawd lawv yeej yuav raug xa tuaj twjywm li qub thaum lub sijhawm FAA tseem tab tom xyuas txog tej ntaubntawv saib puas tsim yog tau txais kev pab. Yog GBAHC tus neeg xyuas cov ntaubntawv pom tias tsab ntawv thov yeej ua tiav tag zoo raws li hais nyob rau hauv FAA, ces cov lus no yuav muab sau qhia rau hauv tus neeg mob lub av-khauj thiab cov nqi tshuav yuav them nyob rau lub av-khauj yuav raug muab tshem tawm coj mus sau cob rau tus cim leb rau qhov nyiaj ntawd. Cov ntaubntawv ua tuaj thov nyiaj kho mob pab mas yuav tsum muab xa mus rau qhov chaw ua haujlwm hauv qab no:

Gundersen Boscobel Area Hospital and Clinics
ATTN: Patient Financial Services 205 Parker St
Boscobel, WI 53805 (608)375-4112 or (866)
662-2242

Yog cov ntaubntawv thov mus ntawd raug txiav txim tias tsis kam pab, mas tus neeg mob lossis tus lav ris cov nqi muaj peevxwm rov ua ntawv mus thov dua tau txhua lub sijhawm yog tias muaj kev hloov rau tej nyiajtxiag khwv tau los.

KEV NTSUAS XYUAS SAIB PUAS KAM PAB NYIAJ KHO MOB, TSIS TXAUS SIAB ES HAIS KOM ROV TAUG XYUAS NTXIV THIAB KAM SIB KHO QHOV KEV COV NYOM

Txij li peb-caug (30) hnuv uas tau txais tej ntaub ntawv thov tiav tag, mas tus neeg mob yuav tsum tau hnov txog qhov kev txiav txim ntawm tsab ntawv FFA. Tus neeg ua ntaubntawv tuaj thov nyiaj pab uas raug txiav txiv tias tau txais nyiaj pab 100% mas yuav tau txais cov nyiaj thim rov qab uas xub them tshaj ua ntej los lawm rov qab rau hauv lub av-khauj, yog qhov nyiaj ntawd ntau tshaj qhov uas phua tseg tias tus neeg mob lossis tus lav ris cov nqi yuav tsum tau them raws li GBAHC txoj cai tswjfwfwm pab nyiatxiag rau kev kho mob. Qhov nyiaj muab thim rov qab mas tsuas kam thiv rov qab rau cov ua raug \$5.00 rov saud. Raws li txoj caij tswjfwfwm kev pab nyiaj no hais, qhov kev pab nyiaj no mas tsis kam pab rau tej nqi them ntawm ntiag tug lossis cov nqi seem uas ees-xuls-lees tsis kam them yog tus neeg mob tsis tau ntaubntawv thwj toob thiab pomzoo xa lawv mus kho mob, lossis cov kev kho mob ntawd yog cov uas ees-xus-lees tsis pomzoo them, mas vim li ntawd cov nqi them ua ntej no yuav tsis raug thim rov qab.

Txij li tau txais tsab ntawv txiav txim, mas li ntawm peb-caug (30) hnuv cov neeg mob muaj cuab kav sau ntawv tuaj thov kom muab qhov kev txiav txim ntawd koj rov los nthuav xyuas es txiav txim dua. Sau xa tuaj rau ntawm:

Gundersen Health System
Attn: Customer Financial Service Manager
1900 South Avenue
La Crosse, WI 54601

Yog yuav sau tsab ntawv thov kom muab koj rov los txiav txiv xyuas dua, mas txij li tau txais tsab ntawv txiav txim mus txog li peb-caug (30) hnuv yuav tsum sau tsab ntawv tuaj kom txog. Pawg tubteg nyob rau hauv Revenue Cycle mam li muab koj tsab ntawv thom muab los xyuas txiav txim dua koj los txheeb xyuas es txiav txim dua. Qhov kev txiav txim los ntawm pawg tubteg no yuav yog qhov kev txiav txim zaum kawg.

NCUA SIJHAWM MUAJ CUAB KAV TAU TXAIS KEV PAB

Yog tus neeg thov nyiajtxiag pab kev kho mob raug pomzoo tias tau txais kev pab, ces GBAHC yuav pab mus txog li rau (6) lub hli. Cov nyiaj pab ntawd kuj yuav pab tig rov mus them rau tej nqi uas tsis tau them dhau lo yog cov nqi ntawm lub av-khauj ntawd yog tej nqi kho mob nyob rau rau (6) lus hli ua ntej sau tsab ntawv tuaj thov. Yuav tsis pub cia li txiav kev tsis pab rau cov neeg mob uas xa tsis tau ntaubntawv povthawj tuaj lossis xa tsis tau cov ntaubntawv uas tsis hais tias yuav tseev kom muaj nyob rau hauv tsab ntawv thov.

TSAB NTAWV QHIA TXOG KEV PAB NYIAJTXIAG

Tej ntaubntawv qhia txog GBAHC tej kev pab nyiajtxiag kho mob tu cai tswjfwfwm thiab tej lus qhia txog tias yuav tiv-tauj tuaj rau GBAHC li cas txog tej kev pab thiab tej kev xav paub txog ub no, thiab txog tej kev qhia tias yuav them nqi li cas, mas yuav raug muab tso rau hauv cov tsev loo-maum thiab rau cov tsev kho mob daim ntawv sau npe thiab rau ntawm cov chaw nkag tuaj kho mob, thiab nyob rau hauv chaw chaw kho mob im-mawv-ntsees-xis. Cov lus qhia no los kuj muaj peevxwm muab tau los ntawm cov kws qhia tswvyim txog lajkam nyiajtxiag uas muaj nyob thoob plaws lub koom haum.

GBAHC tus cai tswjfw m txog kev pab nyiajtxiag kho mob, kev ua ntaubntawv thov nyiaj pab thiab tej ntsiab lus uas muab piav ua lus yooj yooj yim hais txog ntawm txoj cai tswjfw m nyiajtxiag mas yuav muab tso rau ntawm qhov websie lossis rau ntawm <https://www.gundersenhealth.org/patients-visitors/financial-assistance>. Qhov lus qhia no los kuj yuav muab pub rau neeg paub, pub dawb xwb, cia li hu rau GBAHC Health ntawm tus xovtooj (608)375-4112.

Tej lus qhia txog GBAHC Qhov Kev Pab Nyiajtxiag Kho Mob Txoj Cai Tswjfw m Nyiajtxiag Pab Rau Nqi Kho Mob mas yuav raug muab piav rau cov neeg mob txhais ua lawv cov lus kom haum raws li lawv tej kev coj noj coj ua. Cov lus qhia txog nyiajtxiag pab, thiab tej lus ceebtoom uas muab tso rau hauv tsev loo-maum thiab tej chaw kho mob mas yuav raug muab txhais ua cov lus rau hom neeg uas muaj coob li 1000 lossis 5% nyob rau cov thaj chaw kho mob ntawd. Tsis tag li, GBAHC kuj muaj tej lus qhia kom mus xyuas txog ntawm tus cai tswjfw m txog kam them nqi thiab txog nyiajtxiag pab nyob rau ntawm GBAHC daim ntawv niaj hli xa nqi tuaj rau tus neeg mob them thiab rau ntawm cov ntawv sau tuaj caum kom them nqi. Tej lus qhia txog GBAHC txoj cai tswjfw m nyiajtxiag pab rau nqi kho mob mas yeej muaj cia tos ntsoov yuav muab, yog tus neeg mob xav tau ces yuav tsum hais tuaj.

TEJ KEVCAI UAS YUAV TSUM TAU UA RAW S

GBAHC Tej Kev Xyuas Txog Kev Noj Qab Haus Huv mas yuav raug ua kom yog cai raws li phua tseg nyob rau hauv tseemfwv tebchaws, tseemfwv xeev, thiab tej kev cai hauv zejzog thiab tej kev ua ntaub ua ntawv qhia tawm txog tej lajkam los yuav ua kom yog cai raws li txoj cai tswjfw m no. Txoj cai tswjfw m no toob kam kom GBAHC taug xyuas tej nyiajtxiag uas muab tuaj pab kom siv rau qhov yog thiab muaj tseeb. Tej ntaubntawv txog tej nyiaj pab nyob rau txoj cai tswjfw m yuav raug niaj xyoo qhia rau IRS ntawm Tsab Ntawv 990 Schedule H.

TEJ NTAUBNTAWV KHAW S TSEG

GBAHC yuav muab tej ntaubntawv txog tag nrho tej nyiajtxiag sau ua ntawv khaw cia es thiaj paub tswj xyuas kom zoo es thiaj paub tias puas ua yog raws li tej kev cai muaj nyob rau sab hauv thiab sab nrauv tib si.

POMZOO TSO CAI SIV TAU TXOJ CAI TSWJFW M

GBAHC txoj caij tswjfw m nyiajtxiag pab rau nqi kho mob no mas tau muab rau GBAHC Pawg Tubteg Saib Xyuas Txog Nyiajtxiag thiab Pawg Thawjcoj (Board) xyuas, mas lawv pomzoo muab tau coj los siv thaum lub 03/26/2024. Txoj cai tswjfw m no mas txog sijhawm yuav tsum muab coj rov los xyuas dua. Yog muaj dab tsi loj yuav hloov nyob rau txoj cai tswjfw m no, mas yuav tsum yog GBAHC Pawg Thawjcoj pomzoo mas thiaj ua tau.